



**VAALIT
VAL**

BOODOS BEREĀ 2021 PHUUJAKO VELKIBONNA

Finitiko them hin dieludiilo aro froo phuuji, kai hin botnosko laagako paalal kokaro falliba. Phuu īluutila buut saakenna, so tšalavena buuribongiiren.

Phuujako koni praaluno vollako rikkiboskiiro hin komujengo velkime vollakiiriba. Vollakiiribosko lendi (vollakiire) velkavaha phuujako velkibossa staar berehhesko tiijake. Följime phuujako velkibi rikkavaha kurko diives **13.6.2021**.

Aro phuujako velkibi vojuvena te den lyja ta panna tšettaven peen velkimeske, saare pherto oldrako kumuja koon buuruvena aro Finitiko them ta koone hin finitiko komuja ta panna dola vaure themmengo folki, koon buuruvena daari, bi lenge hin kutti spesiaalide laagi.

Lyjako diiben aro Finitiko them naa mostiba te tšeeren.

Aro Abborisko themmesko phuujako thaan na rikkavena phuujako velkiba bereā 2021.

Lyjako horttiba – koon lela te del lyjako diiben

Tu leha te del to lyjako diiben aro phuujako velkibi, ke tu aaħħeha Finitiko themmesko folkos elle tšek vauro themmesko folkos, so īunjula aro Europako unionisko themme, Islandisko elle Norjako folkos ta ka tu pherjuveha följime naaljibi:

- tu pherjuveha 18 bereā sistones aro velkibosko diives (13.6.2021)
- tuut hin tšeeresko phuu aro Finitiko them sistones 23.4.2021

Ke tu aaħħeha vauro themmesko folkos, tu leha te del to lyja aro phuujako velkibi, ke

- tu pherjuveha 18 bereā sistones velkibosko diives (13.6.2021)
- tuut hin aaħtas tšeeresko phuu aro Finitiko them hilo dui bereħesko tiija sigide 23.4.2021

Tšeeresko phuu vela tšeeresko phuujako laagako paalal. Butvares tšeeresko phuu hin douva phuu, kai tu buuruveha.

Aro bereā 2021 phuujako velkiba to tšeeresko phuu vela doolesko paalal, so phuu hin merknade aro to tšeeresko phuujake aro folkengo džaanibosko stelliba 23.4.2021 kamana 24.

Tu vojuveha starkaves to tšeeresko phuujako džaaniba Digi- ta folkengo džaanibosko tšenstata.

Aro phuujako velkiba tu vojuveha del to lyja innasto to iego tšeeresko phuujako velkiboskiireske.

Phukiba lyijako diibenesta bitšavaha saarenge koonen hin lyija diibenesko horttiba

Digi- ta folkengo džaanibosko tšensta rikkila lyija horttibosko rekisteris, kai hin saarenge lyija horttibongiirengó džaanibi. Aro lyija horttibosko rekisteris naa mostiba te phukavel froojimes.

Digi- ta folkengo džaanibosko tšensta bitšila sistones **20.5.2021** phukiba lyijako horttibosta helle phukibosko beleňkos saarenge koonen hin lyijako horttiba, ta koonesko adressos hin džaanimen. Tu leha to phukibosko beleňkos bi elektrikaanes, ke tu hin lijal te rikkaves Digi- ta folkengo džaanibosko tšenstako diijime elektrikaano boodosko tšenstiba helle Suomi.fi-viestit (butide džaaniba adressosta www.suomi.fi/viestit). Aro lyija horttibosko phukiba hin sikjibi sar te den lyija, aro listos hin to buuribosko stedosko neer aaňhime angluno lyija diibenesko stedenna ta džaanibi to lyija horttibosta. Lyija horttibosko phukiba tuut naa mostiba lel tussa aro lyija diibenesko stedos, le bi tukko pinsibosko tšeeekni

Velkibosko doogiba – koon lela te aaňhes alsiboskiiro

Tu aaňheha velkibosko doogimen helle tu vojuveha te tšuuves tuut alsiboskiireske aro to buuribosko phuujako velkibossa, ke tu pherjuveha följime naaljibi:

- phuu, kai tu tenkaveha te tšuuves tuut alsiboskiireske, hin to iego phuu
- tuut hin lyija diibenesko horttiba aro iek Finitiko phuuja
- tuut naa oppenbaaride uutan volla dömmibosko beňhibosko ĥluutibaha.

Aro phuujako laaga hin listos staadesko tšenstako džeenenna ta phuujako liedime tšenstako džeene ta buttibongiire koonen na aaňhena velkibosko doogimen aro phuujako velkiba.

Alsibongiirengó tšuuviba aro phuujako velkiba

Aro phuujako velkiba vojuvena te tšuuven alsibongiire

- registerimen (politika) ringi
- lyija horttibongiire, koone hin tšunde velkibosko sankiba.

Ringi ĥluutavena iega alsibongiirenná paalal lengo tšuuvibi. Ke tu kammeha ringosko alsiboskiireske, tuut mote hömsaves dotta to ringaha.

Aro velkiba sankibosko laagiba hyövuvaha kuttides deň phuujako buuribongiiren, koonen hin lyija diibenesko horttiba. Aro dola beski phuuji velkiba sankibosko laagiba rökkula endo bi triin elle pangň buuriboskiires.

Dui elle butide (politika) ringen hin horttiba te laagaven velkibosko sankiba. Dui elle butide velkibosko sankibi hin horttiba te laagaven te formaven tšetano listos.

Ringos, velkibosko sankiba elle tšetano listos vojula aaňhes aro phuu alsibongiire naa butide sar paňvaro douva moola sar buut alsibongiire velkavena. Aro vollakiiribi velkavena kuttides 13–79 alsiboskiires phuujako buuribosko moolako paalal, bi phuu vojula te ũluutaven panna baaride moola alsibongiiren.

Sakka alsiboskiires hin iego numra. Alsibongiirennna tšeerena apo papros veegime alsibongiireng listengo sankiba, kai hin merknide alsibongiire aro numrako stelliba vaagos numrata 2. Alsibongiire aro sankiba hin stellade paalal ringen ta itlisten. Sakko alsibongiiresta aro sankiba hin följime džaanibi: nau, alsiboskiiresko numra ta professios. Panna alsibongiireng listosta dissula auri

- save ringi hin formade velkibosko staggos
- save velkibosko sankibi hin formade itlistos
- save ringi na ũnjuvena aro velkibosko staggos
- Koon alsibongiirennna hin itlistosko auri aaňhime alsibongiiren.

Alsibongiireng listengo sankibi tšeerena aro saare phuuji 14.5.2021. To phuujako sankiba hin dikkimen aro lyija diibenesko skoopa ta hortto ministeriosko velkibosko paň (www.vaalit.fi). Ke tu deha to lyija sigide aro vauro sar to iego tšeeresko phuu, tu vojuveha te kammes velkibosko tšenstiboskiiresta to iego phuujako alsibongiireng listengo sankiba.

Lyija diibenesko tiiji

Tu vojuveha del to lyija apo velkibosko diives kurko 13.6.2021 elle sigide velkibosko diives gnaaluno lyija diibenesko tiija. Tu vojuveha del to lyija bi iekvar. Dui lyija diibenesta hin tšunde straffiba aro kriminaalo laaga.

Gnaaluno lyija diiben:

Gnaaluno lyija diiben byrjula aro Finitiko them aro **maňkurno diives 26.5.2021** ta ũluutila kurkesko **vauro diives 8.6.2021**

Gnaaluno lyija diiben byrjula aro auriako themme kurkesko **maňkurno diives 2.6.2021** ta ũluutila **kurkesko houto diives 5.6.2021**.

Vaure gnaaluno lyija diibenesko stedi lyija diibenesko tiija hin stöttide.

Tu vojuveha del to lyija gnaalal kai tšeeni gnaaluno lyija diibenesko stedos aro tšeeruno them elle auriako themme. Gnaaluno lyija diibenesko stedi hin

- aro tšeeruno them dola lyija diibenesko stedi so phuu hin volladas, butvares naalal merknos (nm.) phuujengo tšensti

- buut Finitiko naalunibe aro auriako themme
- institutji, sar dukatengo huusi, sosiaalo omsorgibosko aktiviteetesko iekiba ta straffibosko institutji.
- Aro institutji vojuvena den lyja bi dola komuja koonenna rikkavena omsorgiba elle doori liijime komuja
- finitiko panjako beere, so aro lyja diibenesko tiija hin aro auriako themme. Aro panjako beero vojuvena den lyja bi panjako beeresko personaalo, vandribongiire na vojuvena te den lyja aro panjako beero.

Lyja diiben aro velkibosko diives:

Velkibosko lyja diiben hin kurko **13.6.2021 kamana 9–20.**

Tu vojuveha te del to lyja aro velkibosko diives bi aro doi lyja diibenesko stedos, so hin merknade apo doi lyja horttibosko phukiba, so hin bitšade tukke.

Tšeeresko lyja diiben:

Ke tu na vojuveha tšiňkas staaves ta, te tuut hin drouvo te ĥleppuves doi stedos kai dena lyja, tu vojuveha del to lyja aro to tšeer sar gnaaluno lyja diibenesko tiija.

Aro tšeeresko lyja diiben mote phukaves sistones kurkesko **vauro diives 1.6.2021** sigide kamana 16. Phukiba tšeeraha tšeeribosko phuujako maňkurno velkibosko phuujake, savo tšetano džaaniba tu laňheha apo to lyja horttibosko phukibosta. Aro it huupa buurime omsorgibosko rikkiboskiiri vojula del pesko lyja it tiija, bi spesiaale laagengo paalal.

Liinesko lyja diiben:

Ke tu aaňheha gnaaluno lyja diibenesko tiija ta velkibosko diives aro auriako them, tu panna vojuveha te del to lyja auriako themmesta liineha.

Ke tu kammeha te del to lyja liineha, tuut hin mostiba te khaares liinesko lyja diibenesko materiaalos hortto ministeriosko tšenstibosta, te joon bitšavenas aro doi adressos so hin aro auriako them. Puňhiba tu vojuveha te tšeeres naa sigide sar triin tšoon naal velkibosko diives. Tu koones hin lyja diibenesko horttiba hin mostiba te svaaraves kokares dotta, te tu khaareha liinesko lyjako dokumentji tšiňko tijaha jakkes, te tu hinnuveha te bitšaves paalal liinesko lyja diibenesko skaalo aro to phuujako maňkurno velkiposko gruppos aro doi tiija so hin tšundo aro velkobosko laaga.

Jakkes to deha lyja

Gnaaluno lyja diiben ja velkibosko diivesko lyja diiben fanula aro lyja diibenesko stedos. Tu vojuveha te del to lyja bi iek alsiboskiires, koon hin merknade aro to iego phuujako alsibongiireng listengo sankiba.

1) Tšatša koon tu sal aro velkibosko tšenstiboskiireske helle sika to passis, komunisko beleňkos, traadibosko beleňkos elle vauro tšatšo saakako liin. Velkibosko tšentaboskiiro/i dela tukke lyja diibenesko biljet.

2) Dža aro lyja diibenesko skoopa. Doori vojula it tiija aaňhes bi iek komunis.

3) Merkna aro lyija diibenesko biljetos douva alsiboskiiresko numra, kooneske to deha to lyija. Tu leha del to lyija bi iek numra aro lyija diibenesko biljetosko trystalo. Me tšeer aro lyija diibenesko biljetos tši vauro merknibi. Tšu alsiboskiires. Merkna alsiboskiiresko numra kooneske tu deha to lyija. Phager lyija diibenesko biljetos jakkes, te to merknime numra na dissula auri.

4) Riga lyija diibenesko biljetos phandimes aro velkibosko tšentiboskiireske. Jou tšuuvela doi stamplako merknos.

5a) Ke tu deha to lyija aro lyija diibenesko diives, pera stamplime lyija diibenesko biljetos aro velkibosko mohto.

5b) Ke tu deha to lyija aro gnaaluno lyija diiben, velkibosko tšenstiboskiiro/i dela tukke velkibosko skaalo, kai tu tšuuveha to stamplime lyija diibenesko biljetos.

Ke tu aaḥ̄heha jakke bidžoralo/i, te tu na orkuveha te tšuuves alsiboskiiresko/i numra aro biljetos, tu vojuveha te rikkaves ũahtiboskiires elle velkibosko jelbiboskiires. ũahtiboskiiro/i na vojula te aaḥ̄hes alsiboskiiro/i aro velkiba naaka alsiboskiiresko neeruno naarti. ũahtiboskiires hin svaariba te rikkaves velkibosko tšorjilba jakkes te rikkaves velkibosko garime saare džaanibi so jou/joi hin lijas.

Tildžaanibi

- Tildžaanibi aro velkiba dena phuujako maḥkurno velkibosko gruppos. Puḥ̄hibi so tšalavena kokaribosko lyija diibenesko horttiba svaarila Digi- ta folkengo džaanibosko tšensta. Dola duiengo tšentano džaanibi hin aro lyija horttibosko phukiba.
- Gnaaluno lyija diibenesko stedengo addressi ta phirro aaḥ̄hibosko tiji, liinlyjadiibenesko khaaribosko sikibi, džaanibi alsibongiirennna ta vauro džaanibi velkibonna laḥ̄hena aro hortto ministeriosko velkibosko paḥ̄hi aro addressos www.vaalit.fi
- Džaanibi phuujako velkibongo alsibongiirennna laḥ̄heha apo hortto ministeriosko velkibosko paḥ̄henna 14.5.2021 paalal ta džaanibi gnaaluno lyija diibenesko stedenna 12.4.2021 paalal.
- Dauva hin bereḥ 2021 phuujako velkibosko ömsibosta diijime ta laagako (256/2021) paalal tšerto ranniba aro Juulako tšoon oppenbaarime phukiba.

Digi- ta folkengo džaanibosko tšensta 29.3.2021